

般若波羅蜜多心經



觀自在菩薩行深般若波羅蜜多時照見五蘊皆空度一切苦厄舍利子色不異空空不異色色即是空空即是色受想行識亦復如是舍利子是諸法空相不生不滅不垢不淨不增不減是故空中無色無受想行識無眼耳鼻舌身意無色聲香味觸法無眼界乃至無意識界無無明亦無無明盡乃至無老死亦無老死盡無苦集滅道無智亦無得以無所得故菩提薩埵依般若波羅蜜多故心無罣礙無罣礙故無有恐怖遠離顛倒夢想究竟涅槃三世諸佛依般若波羅蜜多故得阿耨多羅三藐三菩提故知般若波羅蜜多是大神咒是大明咒是無上咒是無等等咒能除一切苦真實不虛故說般若波羅蜜多咒即說咒曰揭諦揭諦波羅揭諦波羅揭諦波羅僧揭諦菩提薩婆訶

釋尊降生三五四季歲次庚辰孟春順德何竹平合十敬書



心寄鄉文素著中有竹畫然特繪畫文章高古

竹素詩亦遠

筆墨能於五福詞集允稱襄慶此翰乃文亦其志德

澤國公伯句而殿於篇末也鳳毛濟美玉三千秋

山家夕陽多

戊辰年夏何竹平



聯語 何竹平

大道之行也天下為公選賢與能講
信修睦故人不獨親其親不獨子其
子使老有所終壯有所用幼有所長
矜寡孤疾者皆有所養男有分
女有歸貨無其棄於地也不必藏於
己力惡其不出於身也不以為己是
故謀閉而不興盜竊亂賊而不作故
外戶而不閉是謂大同 禮運大同章

何竹平書

孔 白 仁 謙 說 孝 殺 生
 孔 白 義 謙 說 孝 殺 生
 孔 白 禮 謙 說 孝 殺 生
 孔 白 智 謙 說 孝 殺 生
 孔 白 信 謙 說 孝 殺 生

何竹平書

道曆四千六百八十八年歲次辛未孟冬
道可道非常道

何竹平書

心齋心是正心

湯國華撰 何竹平書

山河壯麗
松柏長青

順德老年書法研會第三屆成立
一九九九年秋 邑末何竹平敬賀

姑安
言之

民主 自由 平等 政治 經濟 文化 教育 生活 游藝

己卯春
竹中書



民主 人權 自由 平等 政治 經濟 文化 教育 生活 游藝

先重民德 先重人性 必先自律 須分上下 必求廉明 先重民生 須承儒統 德智齊修 至要儉樸 須循矩範

否則放任無度 否則妄作妄為 否則無法無天 否則無禮無義 否則舞弊營私 否則不均不安 否則七本逐末 否則害己害人 否則遷之堪虞 否則有損身心







雨打白簪分陶令三意風可
萬里故園心
全西秋分何竹平
松冷月心之居



撐天拔地揚風程亮節

靈心耐歲寒
癸丑冬正何村于廬

祖考湯臣公遺像

祖母黎太夫人遺像



祖何公諱錫字字源深德澤世居
 順德桂洲生於清咸豐壬午年於公已
 一八二四年壽七十上元祀祖世詩人又
 早世遺德傳於世惟存子孫心中
 祖以孝反齊其家力能救後承元
 功德垂諸久遠
 繼祖母黎太夫人同邑冲錫人
 生於清同治己巳年於
 公已一八四七年壽七十九歲
 生平不愛修飾
 詩上夫人所出
 先居西蘇公和已生男
 上下和睦宜爾子孫敬業善作
 已巳秋月孫男竹亭恭錄
 祖德相傳書：孫：
 翠雲孫言三踏雲翔雲
 相廟也夫孝順敦家
 睦族親仁是宅在公兄弟
 信不實之出入扶持
 辭中主稱翁徐已及人
 排難解危好存德力
 不立典無非官已如
 昭白可得乎載子孫
 方之白則
 辛亥元月孫男竹亭拜誌

先祖考湯臣公生平行狀

祖諱錫銘，字淮深，號湯臣。世居廣東省順德縣桂洲外村，孝思堂世系第二十傳，生於公元一八五二年，清咸豐壬子九月二十八日，卒於公元一九二四年，歲甲子十一月十九日，享壽七十有三。祖命生不辰，未周歲，即痛失恃。曾祖母岑太夫人天不永年，曾祖常光公年未而立，即遭痛夢炊白。而曾伯祖德詔公又年方二十五無嗣而逝，曾伯祖母梁太夫人守節舟操，清霜自勵，伯氏無兒之悲，遂乃視侄猶子，將祖襁褓提攜，相依爲命，撫養成成人。曾祖後續娶繼曾祖母陳太夫人爲室，生三子二女，故祖有異母弟三人，曰國銘，再銘，贊銘。國銘再銘皆享高壽，贊銘則早歲出國，不知所終。國銘有一子無孫，至今惟再銘有後耳。

祖出身雖家道寒微，但自幼天賦聰敏，力能勤奮自立，孝友齊家，故於事父，後母，伯母，皆能敬養，無忝厥職，且手足情深，愛護諸弟。由是叔祖之立室成家，實多賴於祖之本夫羽翼相親與守望相助之所致也。祖十歲始負笈就傅，肄業私塾，不過四年，雖胼手胝足生涯，惟能不甘自菲薄，勤於翰墨，寫得一筆流暢行書，兼精於珠算數學，耒耜佃作之餘，輒手不釋卷，博覽歷史傳記，如三國志，大明英烈傳，薛仁貴征東征西，水滸傳，西遊記等等，故書籍滿置鄰架，成爲余於童年時代引起對該類書籍有畧讀之興趣。祖且對國粹傳統曆學，「通勝」一書有深入之研究，頗多了解，是以街坊鄰里，時向祖諸多請益。在舊社會半文盲時代，成爲一位不屬於所謂書香門第之粗具知識者。凡事且具觀察能力，對天氣變化，季節氣候種種常識，小心翼翼，絕無稍有疎忽，故祖於耕稼飼蠶之業，成績卓然，在豐年則比人多穫，在凶年則較人少損。叔祖國銘再銘時愧弗及，祖乃嘗買來蠶種紙三張，將任其弟先選擇其一而各自播飼之，然屢試皆不及祖所飼養之佳，迨祖以飼養之方，無失其時也。

祖因承祧曾伯祖，居長宅，故曾祖常居叔祖國銘家，祖爲盡孝道，嘗舍己爲弟，協助叔祖國

銘重建屋宇，使曾祖於日薄西山之時，得以安享餘年，因而不遑自顧，甘冒其妻其兒女之一時有所未及理解者，而祖固無愧於天也。祖於祭祀鬼神，必敬必恭。父母良辰，春秋佳節。必具酒肉，但從不流連親朋，驕其鄰里，以篤敬儉約垂範子孫。祖不時亦與錢莊銀號往來，一次某莊號司賬多付祖銀一百兩，祖回家核對，始覺之，祖慮此司賬者可因此失，遭受忝職之責，其事可小可大，乃於翌日璧還如數，闔閭稱之。祖又樂於助人分憂解患，曾有鄰居某君，因一時貪念擅取別人棄置之一具水櫃，售之得錢用，水櫃者，用以安置於魚塘與涌滯之分界處，以控制水之進出吐納者。後爲失主所知，失主乃大戶，平常恃強凌弱，故乃告之有司。鄰某懼被執，若大禍臨身，因匿而求助於祖，祖憐其遇，亦責之以義，終出爲之說項，請於有司勿執之，謂執之，則某之一家數口嗷嗷危矣，並力保其籌償，其事遂平。

祖母許太夫人華年三十，猝以疾卒。其時先君方七歲，二姑玉環方四歲，三姑存福方三歲，四姑四女，生未足三月，便慈母見背，祖遽痛中饋乏主，小鳥有無依之苦，幸得二祖母，帶將二姑三姑到彼夫家養之教之，四姑則送與一家久無所有者爲義女。祖與先君共渡此鰥夫哀兒生活，而尤以祖於雛齡喪母，壯年喪妻，其中艱苦萬狀，誠人生之大不幸也。祖後續娶黎氏爲繼室，黎太夫人獨生一女，兩歲而夭，再無所有，惟視前所出，情同骨肉。余童年常隨祖母黎到祖母許舅氏家，許家上下無不視祖母黎若其親人者，聲聲稱呼曰二姑，蓋祖母許居家排行第二故也。如非祖母黎能善視祖母許之兒女，其安能若此耶。余於童時，嘗聽祖母黎述祖生平事蹟，每多讚歎不已，因祖去世時，余方四歲，若非仗祖母黎之累述及余年漸長益以觀察祖之遺風手澤，又安能作於今日之緬懷景行而畧載祖之平生，有足感人事蹟於萬一哉。復有一事，更令余畢生難忘者，爲祖母黎之事祖，有事死如事生，事亡如事存之篤於敬也。事本尋常，惟出於至誠，是祖母黎之懿行淑德，見其微而可推其著者。祖母黎，清晨


而起，灑掃之後烹茶，飲必罄其壺，此或爲祖母黎養生之道，抑亦窮巷陋室中人，舍此便不易得。每飲之前，必先潔乙盃，然後盛茶，奉獻於祖在世時寫字讀書之桌之上，復喃喃細語，若視同祖在，二十餘年，至死方休，直足爲後輩夫妻作相敬如賓典範。然非有祖之立身齊家有方，處世莊敬誠實涵養有素，又何能致此者。

先君早祖母黎去世，祖母黎坐於階前哭之至哀，羣勸而後止。余當時尚未知其母子之情，正當生離死別之際，天性固有若此。及今思之，自倍無限追懷先德之於倫常槩範，在在足爲後世子孫之所矜式。

祖一生所致力，是盡子道，盡父道，盡夫道，盡兄長道，盡朋友之道之外，對不忘所自，慎終追遠之以爲己任，更必理有宜然，勢所不免。故祖曾赴馬甯都鈔錄族譜，雖備而不詳，亦貴得其心也。祖復與諸弟在原籍建永華堂私房，奉祀十七世太祖朝英，太祖妣梁。十八世高祖周洪，高祖妣李。十九世曾伯祖德詔，曾伯祖妣梁，曾祖常光，曾祖妣岑，陳。曾三叔祖澄川，曾三叔祖妣潘。曾四叔祖建輝，曾四叔祖妣葉。惜此私房，已毀於抗日戰爭之時矣。祖與祖母許後先去世，初葬於沙頭之陽，後遷容奇大鳳山，及祖母黎棄養，亦同葬焉。於今雖時移世易，跡莫可尋，但願窻窻永安，神明長共天上。

祖逝世六十周年，歲第七十九甲子，公元一九八四年，裔孫竹平敬識於九龍山居。

先嚴焯巖公遺像



盧太夫人遺像



黎太夫人遺像



先君焯巖公生平行狀

先君諱照林，字景初，號焯巖，孝思堂世系第二十一傳孫。公元一八七八年，清光緒戊寅年十一月初三日生於原籍祖居，公元一九三五年，夏曆乙亥年九月十四日，病終原籍祖居，享壽五十有八歲。先君七歲痛失恃，與先祖有同命相憐之苦，故先祖愛之甚，先祖又善體親心，使先曾祖能及一見孫媳歡承家慶爲樂，故先君年未弱冠，即命之受室，娶桂洲裏村盧氏長女爲元配（公元一八七八至一九五零）。生女名巧崧，多年再無夢兆。先祖以嗣續縈懷，慮無後之爲大，雖思甘蔗可以旁出，嘉禾亦每岐生，惟究難啓齒，乃命叔祖國銘示之以意，先君亦終於待十二年後而立側室，福享齊人，蓋不得已也。自生慈黎太夫人嬪先君後，果如先祖之願，先後誕育四男三女，男曰占開、紹開、和開、裕開，皆生於祖棄養之前。女曰巧才、巧生、瓊珍，則祖未之及見也。先君於承先啓後，其間適逢民生凋敝，盜賊橫行之世，一家多口，生活籌措，誠非易易，幸賴先祖餘蔭，年中有小數租稅入息，以滋挹注，使余兄弟輩，不至失學，得以粗讀古人之書，畧窺學問門徑。斯亦幸矣。

先君爲先祖獨子，故先祖對之，難免有甚於左師觸警之用心，父母之愛子，則爲之計深遠。苦心栽培，引之棄農就商，一脫世爲務農之業。乃先君在閨闈中，倏忽數十年，從受僱以至小作經營，歷金融，百貨，運輸，飲食、數易其業，所謂人生不稱意事，十常八九，惟先君能豁達處之，用常言以自寬，時謂：『比不上不足，比下有餘。』余於小時，聽之屢屢，惟爾時，余當弗知是言之哲理所在，直至余有家室子女，處事應世智有所不周力有所不逮時，午夜輾轉反側之餘，每一憶及先君之言，榮辱得失之心，便可復歸澹泊，一切妄想爲之冰釋。生慈黎太夫人秉性，柔中有剛，故家教綦嚴，但每當盛怒之餘，先君則常平心相勸，其意若以黎太夫人執法可稍事從寬也。一慈一嚴，各盡父母之心，時余雖幼小，亦深深愧動五中。

然從不敢因先君之天性流露，視爲容縱，而反覺人間溫暖，父愛之偉大，莫過於此。

先君棄養十周年歲在乙酉公元一九四五年，值日本獻降，普天同慶之期黎太夫人以余

兄弟輩皆能叨祖德宗功之蔭，安渡八年離亂之苦，且立室成家，事業薄有小成，於是將先祖一生血汗所得以遺諸子孫之桑基田地悉數無條件送贈我鄉桂洲集義善社，作爲社會福利嘗產，以彰先祖之德，亦以紀先君之守成不易，克垂子孫，作此移贈，以慰其在天之靈也。

先君與盧太夫人合葬於容奇大鳳山之陽，余兄弟輩。頻年旅食於外。致疏於展之修之，復以時代之變遷，地域之發展。阡界早失於叢竹流雲之間。高岸爲谷，深谷爲陵矣。歲次戊午爲先君百齡明壽之期，值鄉序順德聯誼總會開辦第二間中學曰李兆基中學，余商諸昆弟合捐港幣壹拾萬圓，得該校禮堂位置。以題先君之諱，寸草之心，總難補痛失廬墓之愆也。

先君頗嗜酒，家貧不易常得，即飲亦薄酒耳。憶余於幼時，嘗爲先君酒肆沽酒。雙蒸猶不足，是名料半，而先君則已津津其味，若據座而自足矣，家常之樂，及今思之，有不能已者。

讀孔子家語，『昔由事二親之時，嘗食藜藿之食，爲親負米百里之外，親歿之後，南遊於楚，從車百乘，積粟萬鍾，纍茵而坐，列鼎而食，顧欲復食藜藿爲親負米，不可得也。』又讀，蘊蘆詩草自序『家君子體弱多病，夏夜飯後，持卷就榻前授課，母氏篝燈治衣線於旁坐，稍倦，輒爲予扇涼拭汗，復出果餌以爲獎勵，少日讀書，所能記誦者悉基於此，今二親逝矣，而予遠遊於外，役役無所成就。追維疇昔。欲復爲髫齡一日之歡不可得。』寥寥數語。不禁根觸萬分，然若以沽酒小事，方之仲由負米，則吾豈敢，而陳丈荆鴻欲復爲髫齡一日之歡。不可得之至言，燈前展誦，又安能不益興樹欲靜而風不息之悲也。

先君逝世五十周年，歲乙丑，公元一九八五年，時

生慈黎太夫人年方九十四膝下三男竹平承命敬識香港九龍山居。



黎太夫人九十五歲像




黎太夫人七十歲像

生慈何母黎太夫人行狀

生慈黎姓，閩諱喜。公曆一八九二年，遜清光緒壬辰年九月十六日生於原籍廣東省高要縣，世農業，七歲而孤，家貧無以立，乃鬻身為婢於穗市西關蘇氏巨室門下，以活母弟，以極孝友。年十八即歸為

先嚴側室，與嫡慈盧太夫人共事翁姑，同執箕帚。乃一家和睦，得天道之福佑，黎太夫人果能償先嚴以有後為孝之最大重心願，連育四男三女，名次詳載家譜，枝葉蕃衍，及今內外子孫曾玄凡百人，皆幸託先人餘蔭，多能幼有所長，壯有所用，無忝所生。

先嚴於公曆一九三五年棄養鄉居，黎太夫人守節撫孤，垂五十餘年，其間歷盡辛酸，飽經憂患，至公曆一九五三年始自穗市寓居移住濠江，以期安渡平靜之晚年。在憂樂俱忘，頓悟世間一切有法無法，一切有常無常之時，乃於翌年皈佛於澳門佛學社，禮弘經法師，為師即為鼎湖山慶雲寺高僧增秀老衲再傳弟子，獲賜法號曰靜暢。黎太夫人本未嘗讀書，之無未辨，但從此起如得天授，修戒誦律，若宿世曾識者。同時禮佛長齋，心因以廣，步因而健，常川港澳兩地之間，多與方外人遊。至公曆一九五八年冬，聯同澳門永善蓮苑同人，不辭跋涉，遠赴江西雲居山真如寺，禮虛雲老和尚為師，拜受五戒，獲賜法號曰寬喜。復於公曆一九六三年參加大嶼山寶蓮禪寺癸卯秋期傳戒大會，禮筏可大和尚為師，拜受具足戒律，獲賜法號曰隆法。從此身似菩提，心融水月。至年近八十，長駐港寓靜室，閉戶誦經，以頤養天年。由是齡希百載，除步履漸有不如之外，飲食如常，談笑自若。直至西赴之日，清晨猶安坐椅上，可相與閒話，午膳亦如常，不料於傍晚近六時，突告不適，立即護送九龍伊利沙伯醫院急救無效，遂安祥示寂。積閏享壽一百零一歲。時維公曆一九八九年六月三十日，佛曆二五三三年五月二十七日酉時。靈灰奉安大嶼山寶蓮禪寺天壇大佛附建蓮龕，與佛永遠同在。



何竹平十八歲與八十歲時如此面貌



二十歲攝



二十三歲攝



一九五八年七妹大婚
時、與內人相陪
黎太夫人合攝、右起
長男家齊
四男家強
五女少若
三男家樹
二女少蘭

一九四六年攝




一九四七年攝與長子家齊二女少蘭



一九六八年攝與二女少蘭四子家強五女少若





一九七六年於桂林灘江

一九八九年攝於羅省



一九六七年攝與二女四男五女



二零零一年全家合照



右起：攝於富麗華酒店
胡兆熾，胡漢輝，何竹平



右起：攝於胡公館大客廳
胡經昌，何竹平，馮堯敬，胡漢輝，
何善衡，伍潔宜，胡經緯，胡永輝。



一九六四年又一村會新春團
拜席前
右起：何竹平，鄧祥，余達之，
李作權，陳友耀。

又一村學校特別下午班第六屆畢業生員合影
一九六五年六月



與校董會主席余達之（右起第五人）合照



一九七三年為孔聖青年會開幕時攝
右起第三人為嘉賓馬文輝，第五人
為該會會長湯恩佳。



一九八六年番禺沙灣何氏大宗祠
留耕堂重修落成開幕，代表香港何氏宗
親總會祝賀團致詞時攝於大會席上。



一九八七年順德順風山仙泉酒店開幕
右起：鄭國雄，黎子流，區廣源，黎時
媛，何竹平，縣政府二位領導。



一九八八年李兆基中學十周年校慶在
校門外切餅禮
前排右起：何竹平，李兆基，教育
署長李越挺，黎時媛，黃振民。



一九八二年月宮酒樓小敘
前排右起：黃維瑁，陳秉昌，溫中行，吳天任。
後排右起：何竹平，潘小磐，羅鶴鳴。



甲子春宴雅集泰豐酒樓
右起前排：孔平孫，蘇錫文，陳維畧，
陳乃殷，許衍董，何竹平，陳伯祺，蘇文擢，
陳本。
右起後排：顧植槐，崔鼎勳，何幼惠，
易越石，黃卓明，區靜寰，黎明波，邢寶莊，
劉繼業，江一葦。



錦山十老留影於潘碧泉壽筵前
右起：陳泰階，梁耀明，潘新安，潘小磐，
潘碧泉，梁其政，潘蛻菴，陳伯祺，黃子成（座
輪椅），何竹平。



何氏宗親總會新年團拜
右起：何福注，何耀光，何竹平，何世柱。



一九八八年鄉丈李曲齋自穗蒞港假座順德聯誼總會設宴款待前合照
右起：何竹平，何叔惠，賀文畧，黃維瑞，李曲齋，陳荆鴻，潘小磐，梁耀明，陳秉昌。



一九九零年在順德聯誼總會設宴款待來自北京中華孔子學會陳琳夫婦。同座前排右起何曼菴，吳天任，陳荆鴻，陳琳，汪孝博，陳琳夫人，陳荆鴻夫人，後排右起何竹平，陳秉昌，何沛雄，梁耀明，許衍董。



一九八一年攝於胡府銘苑
右起伍絮宜，馮堯敬，何善衡，
胡漢輝，何竹平。



一九七九年攝於嶺南藝苑
右起劉文蘭，辛鵬九，何麗生，
趙少昂老師，顏小梅，曾德鵬，何永
祥，何竹平。



一九九五年十二月九日假座城市大學
演講廳舉行六宗教研討會留影

一九九七年六宗教領袖座談會
前排右起：高荳華(基督)湯國華(道)覺光(佛)
薛磐基(基督)湯恩佳(孔)哈耀恩(回)胡振中(天
主)何竹平(孔)黎時煖(佛)



洛杉磯晚芳詩社是由加地區享有盛名的大型文化社團組織。七日香港著名詞人何竹平臨港，理所當然地受到晚芳詩社的熱情歡迎。圖左為社長譚明夫與何竹平（右）手中接受何先生的作品選本。（本報記者吳鳳園與文）



晚芳詩社宴請何竹平

【本報訊】全球漢詩詩友聯誼會會長何竹平，自香港抵達洛杉磯訪問。洛杉磯晚芳詩社社長譚明夫、顧問蔡念因，以及文化界人士於九月七日中午在華埠瀛宮大酒樓舉行歡迎會，出席四十人。譚明夫社長致歡迎詞說，何會長對詩詞極有研究，博學多才，名揚海內外，晚芳詩社特設宴歡迎。蔡念因顧問介紹何竹平時說，早年在香港，何先生喜歡運動並與詩詞界交往甚密，結交為詩友。他在詩社余君一社長致歡迎詞並即贈賦詩，黃宗吳名譽社長也即席賦詩歡迎。寫作協會會長楊華珍贈送兩聯（文苑）給何竹平會長。中華詩會會長蕭一琴贈送該社編印的《告成集》作為紀念。女詩人黃迪華用台山話吟詩並贈送親手栽培的絲瓜給何會長。何竹平會長為感謝各詩社及文藝界朋友特贈送《順德歷代名人尊孔文選》、《南海書樓七十週年紀念文集》，又分贈《仲秋晚芳詩》一首。

出席歡迎宴會的尚有南加美科學會會長楊慶生、詩友黃真一、梁兆松、張振伏、周海榮、官永樂、王維、周兆楠、黃江元、黃啟甫、彭海、陳玉堂、王福揚、吳劍英、陳華棟、曾麗宇、黃浩城、張兆洪、李百誠、凌健甫等。



下圖為歡宴前賓主合照



一九九四年趙師少昂九秩大壽
攝於宴前
前排右起伍月柳，梁潔華，歐豪
年，趙師，何竹平，後排眾女弟



一九九四年美加十三行訪問安
省中國美術會攝於門前
右起第三人乃該會顧問張毓昆
右起第五人乃該會長會勞允澍



陳荆鴻鄉丈十大壽留影

上圖：前排右起，李壽堅，王心帆，陳荆鴻，孫星閣，吳宗偉，劉少旅；
後排右起，梁安全，蘇善祥，何竹平，梁耀明，羅景雲，梁定邦，翁祐，梁偉明，盧德光。
下圖：右起，陳秉昌，黃維瑁，陳荆鴻，何竹平。





一九九五年在順德聯誼總會與曆屆正副主席合照
前排右起：羅景雲，梁慶維，何享綿，何竹平，黃振民。
後排右起：吳禎貽，盧德光，胡永輝，蘇善祥，李偉強。



一九九七年油尖區文化藝術協會春季雅集與嶺南藝苑女弟合影
何竹平即席揮毫



一九九四年八月二十二日訪問美東
紐約南海順德同鄉會
左起：第二人前任主席蘇伯遵，
第三人現任主席何添。




一九九三年十一月十三日馬來西亞沙巴，
順德會館新廈開幕右起該會館會長、
劉志強中何竹平左檳城順德會館會長、
黎文杰聯合主持揭幕後留影。



公元一九九八年七月參加香港孔教學院一行三十二人同赴西藏出席由香港孔教學院院長湯恩佳博士捐資興建孔子醫院於拉薩落成開幕剪綵裡





何竹平在西藏拉薩布達拉宮前騎上神牛。

右起第二人何竹平



【俯仰隨緣】



前座右起何竹平、杜祖貽教授、馮秉芬爵士、
 賴恬昌、黎時媛、鄧又同。
 後排：學海書樓董事同人與嘉賓。



詩以興邦四
字乃陳立夫
先生為賀
順德大成殿
落成開幕親
筆書寫代表
接受人右起
李棧教授乃
李文田文孫
建殿策劃人
李本立先生
建殿捐款人
何竹平夫婦
順聯會總監
黎時煖先生

節廬自書年記

一歲

公元一九二一年，歲辛酉正月二十八日生於原籍廣東省順德縣桂洲外村泰安社祖居，時為辛亥革命後民國十年，父焯巖公年方四十四，生慈黎太夫人年方二十九，家境寒微。

三歲

公元一九二三年，歲癸亥冬，四弟裕開誕生。孫中山先生致書日本黨領犬養毅勿侵略我國。

四歲

公元一九二四年，歲甲子冬，曾祖父常光公百周年明壽。祖父湯臣公逝世。享壽七十三歲。

五歲

公元一九二五年，歲乙丑春，孫中山先生病逝北京。時值年荒，家無宿糧。

七歲

公元一九二七年，歲丁卯，家先賢不偕先生三百歲生朝，先生羊額人，生於明季天啓七年。

八歲

公元一九二八年，歲戊辰冬，從胡文鐸先生啓蒙，讀宋末登州（後屬順德）先賢區適子先生所著三字經，人之初第一篇。曾祖妣岑太夫人百周年明壽。

九歲

公元一九二九年，歲己巳春，執贄胡錫禹先生門下，讀孔氏書。是年家先賢翺高先生總纂續修順德縣志告成，先生有序弁卷。翌年先生卒於香港，歸葬順德東馬寧故土。

十一歲

公元一九三一年，歲辛未，公曆九月十八日，日本發動武力，侵佔我國東北三省。

十二歲

公元一九三二年，歲壬申春，從胡民生先生進修國學，兼習珠算。是年抵抗日本軍攻上海。

十三歲

公元一九三三年，歲癸酉冬，二兄冬先久病據逝，得年十六歲。是年抵抗日本軍攻華北。

十五歲

公元一九三五年，歲乙亥秋，先君焯巖公棄養，享壽五十八歲。是年冬，廣東省政府發行銀毫券紙幣，將銀幣收歸國有，中國數千年來以真金白銀作貨幣之制度，成歷史塵跡。

十六歲

公元一九三六年，歲丙子春，隨長兄恩榮赴穗，任職找換店見習員。是年冬發生西安事變。

十七歲

公元一九三七年，歲丁丑，公曆七月七日，日本軍襲盧溝橋，中日大戰爆發，十二月南京淪陷，日本軍大屠殺我無辜百姓。國民政府遷都重慶，廣州奉命疏散，乃回原籍，以避烽煙。

十八歲

公元一九三八年，歲戊寅春，在原籍佐胡民生先生鄉塾任助教。是年十月廣州淪陷。

十九歲

公元一九三九年，歲己卯春，日本戰機空襲容桂，殆死於無情彈雨之下。旋家鄉淪陷，亡命於中山順德之間。是年九月歐洲又爆發大戰，歷史稱世界第二次大戰，當年全球無安樂土。

二十歲

公元一九四零年，歲庚辰夏，隨同鄉馬君重赴廣州，任錢莊店員，是年冬為日本憲兵拘留於西憲兵部詰責擾亂金融，嚴刑虐待，慘渡十九日獄中非人生活。其後仍冒險求存。

二十一歲

公元一九四一年，歲辛巳，晤南海宿儒書法名家梁鸞瑋先生於穗。是年冬，日本攻佔香港。

二十三歲

公元一九四三年，歲癸未四月二十四日與同鄉前輩吳席儒先生長女肖穎女士結婚於穗。

二十四歲

公元一九四四年，歲甲申秋，自穗移家澳門，與友合夥經營匯兌店。與譚伯羽君共事。

二十五歲

公元一九四五年，歲乙酉，公曆八月六日美國以第一顆原子彈投下日本廣島，八月十日日本請求無條件投降，中國陸軍上將何應欽將軍於九月九日在南京代表中國接受日本代表岡村寧次投降簽約。是年冬，長子家齊誕生於澳門南灣圍寓次。生慈黎太夫人自穗至，樂敘天倫。

二十六歲

公元一九四六年，歲丙戌春，自澳門移家香港，住灣仔史釗域道，生涯仍操金融業。

二十七歲

公元一九四七年，歲丁亥夏，虛雲老和尚年方一百零八歲，自粵北南華寺來香港，應東華三院作平安法會，追悼世界第二次大戰死難軍民。冬，繼祖母黎太夫人逝世，享壽七十九歲。聞訊未及奔喪，稍後回鄉哀悼。是歲二女少蘭誕生於西環寶龍臺寓次。順德聯誼總會創立。

二十八歲

公元一九四八年，歲戊子，三男家樹誕生於西環寶龍臺寓次。是年加入順德聯誼總會為會員。

二十九歲

公元一九四九年，歲己丑，公曆十月一日，人民政府建都北京。桂洲集義善社七十周年社慶

。鄉丈岑光樾先生有題辭記之。鄉丈岑呂學先生爲其師虛雲老和尚編雲門山志，復修年譜。

三十歲

公元一九五零年，歲庚寅秋，嫡母盧太夫人病逝廣州長兄家，享壽七十三歲，聞訊即乘火車回穗奔喪。是歲四男家強誕生於西環寶龍臺寓次。冬，自寶龍臺遷居英皇道新居。

三十一歲

公元一九五一年，歲辛卯春，患肺疾，遵醫囑居家休養調理凡三月。乃愈。

三十二歲

公元一九五二年，歲壬辰，順德縣建縣五百周年。先祖考湯臣公百周年明壽。

三十三歲

公元一九五三年，歲癸巳夏，生慈黎太夫人自穗移居澳門。是年五女少若誕生於養和醫院。

三十四歲

公元一九五四年，歲甲午，先祖妣許太夫人百周年明壽。生慈黎太夫人於澳門佛學社歸佛。

三十六歲

公元一九五六年，歲丙申春，爲迎養生慈黎太夫人，自港島英皇道遷居九龍又一村。是年高僧月溪法師臨寒舍說法誦經，遙祭故鄉宗族先人，畧盡追遠之意。

三十七歲

公元一九五七年，歲丁酉冬，由是年開始力行冬泳，以固身體髮膚，受之父母。

三十八歲

公元一九五八年，歲戊戌冬，生慈黎太夫人與澳門永善蓮苑同道多人赴江西省雲居山真如寺禮虛雲老和尚爲師，於十月十九日方便說法中，領受五戒，受賜法號曰寬喜。

四十歲

公元一九六零年，歲庚子，先君焯巖公之高祖。永華堂開祠祖朝英公二百歲生朝。

四十一歲

公元一九六一年，歲辛丑，公曆十月二十二日繼去年參加維多利亞港公開渡海泳賽，游畢全程。

四十二歲

公元一九六二年，歲壬寅，公曆十一月九日參加順德聯誼總會旅遊，訪問星馬泰邑僑邑會。

四十三歲

公元一九六三年，歲癸卯秋，生慈黎太夫人赴大嶼山昂平寶蓮禪寺參加披剃大會，禮筏可大和尚，圖受具足，名登戒錄。是年春鄉先賢岑學呂寬賢居士逝世港寓。壽八十二歲。

四十五歲

公元一九六五年，歲乙巳秋，偕內旅遊臺灣各地名勝。是歲為臺灣自日本復歸中國廿周年。

四十六歲

公元一九六六年，歲丙午秋，出任又一村學校校監。直至一九七五年自動請辭。

四十七歲

公元一九六七年，歲丁未夏，香港發生暴動，延續數月始息。冬，偕內旅遊日本憑市廣島。

四十八歲

公元一九六八年，歲戊申夏，五妹巧才在澳門病逝，彌留時，切切以群雛為念，囑予提攜。

四十九歲

公元一九六九年，歲己酉，先繼祖妣黎太夫人百齡明壽。重刊順德縣志咸豐版。任贊助人。

五十一歲

公元一九七一年，歲辛亥秋，生慈黎太夫人八秩壽辰家慶。是年任東方冬泳團團長。

五十二歲

公元一九七二年，歲壬子，公曆八月二日香港第一條橫跨港九海底隧道正式啓用通車。八月六日參加大埔吐露港長程二千二百碼公開渡海泳賽，游畢全程。是年春錦山文社成立。

五十三歲

公元一九七三年，歲癸丑，任南山游泳會主席。秋，偕內暢遊菲律賓。冬，二女少蘭于歸。

五十四歲

公元一九七四年，歲甲寅春，任順德聯誼總會主席。夏，偕內作第一次暢遊美國加拿大，到三藩市拜訪順德行安善堂及旅美南番順三邑總會館。冬，長男家齊結婚。

五十五歲

公元一九七五年，歲乙卯春北歸，初登萬里長城。暢遊山海關內外，北京故宮等名勝。

五十六歲

公元一九七六年，歲丙辰夏，偕內旅遊南韓憑弔仁川韓戰遺跡。冬，旅遊印度尼泊爾，在中尼邊界高原欣賞喜馬拉雅山脈。啓程前假座順德聯誼總會雅集，同邑耆彥，歡敘一堂，籌備爲來年慶祝順德聯誼總會創立三十周年編印特刊。是年外舅吳席儒翁病逝九龍法國醫院。

五十七歲

公元一九七七年，歲丁巳春，順德聯誼總會聯同順德綿遠堂（一八七六年創立）順德商會（一九一零年創立）任團長，一行二十三人，應馬來西亞怡保順德會館慶祝金禧大典之邀請，組祝賀團前赴觀禮。並順道重訪檳城順德會館，太平順德會館，吉隆坡順德會館，森美蘭芙蓉順德會館，星洲順德會館，星洲南順會館，拜會僑彥，聯絡鄉情。夏，順德聯誼總會三十

周年會慶，任大會主席。馬來西亞各地邑會組團蒞臨回拜。秋，偕內旅遊歐洲大陸，跡遍英、法、德、意大利、荷蘭、瑞士、比利時、奧大利亞諸國。是年春，長孫文禮誕生於香港。

五十八歲

公元一九七八年，歲戊午，孝思堂始遷祖元長公六百周年生朝。公生明洪武十一年。喬傳二十一世，先君焯巖公與嫡妣盧太夫人百齡雙明壽紀念，昆弟合捐港幣壹拾萬圓贊助順德聯誼總會開辦李兆基中學，并任該校校監。是年夏，五女少若在加于歸，親友賀禮移贈助學。

五十九歲

公元一九七九年，歲己未，美國三藩市順德行安善堂百二十周年堂慶，撰聯文曰，行道立身，萼萼爲善。安仁處樂，濟濟滿堂。十六字，並由陳丈荆鴻書丹刻木送之。是歲生慈黎太夫人年高八十八，精進猶昔，惟目力漸有未逮，乃虔書般若波羅蜜多心經，觀音大士讚，金剛經，佛說阿彌陀經，較大字體經文四本，以供讀誦，書成。偕內暢遊滇蜀三峽，賞千里江陵之勝。夏，爲三男家樹在加拿大結婚，前往主禮，順道過美東，拜訪紐約南海順德同鄉會。

六十歲

公元一九八零年，歲庚申，從國畫大師趙少昂先生游，試寫蘭竹。爲鄉先輩梁伯譽先生遺作萬里尋師圖長卷題識。自賦周甲書懷一律。是年二日十二日自觀塘至中環之地下火車第一期工程完成通車。臘月，外姑吳母楊太夫人於九龍法國醫院逝世，壽八十一。

六十一歲

公元一九八一年，歲辛酉，生慈黎太夫人九秩壽辰家慶。香港藝術館主辦當代香港藝術雙年展，以書法『陋室銘』展出。是歲春，與愉社，鴻社文友多人遨遊江南江北，合編有五湖遊侶吟草一冊。

六十二歲

公元一九八二年，歲壬戌春，偕內赴日本自橫濱乘英國郵輪伊麗沙伯二世號橫渡太平洋，過子午線，海上逍遙七晝夜，而抵美國檀島，夏，復偕內，四兒暢游美國大峽谷，樂水樂山。

六十三歲

公元一九八三年，歲癸亥夏，與內結褵四十周年家慶。主理順德藝文界暨屬校師生書畫展於香港大會堂展覽館。主編順德藝文集出版。是年冬，四兒家強在美國羅省結婚。

六十四歲

公元一九八四年，歲甲子，公曆九月二十六日，中國政府代表與英國政府代表在北京聯同簽署關於香港前途之協議草案。廣州中山大學六十周年校慶，參加觀禮。是歲為先君焯巖公棄養五十年紀念，承慈命於九月二十九日赴大嶼山寶蓮禪寺禮聖一上人歸佛，以報在天之靈。與同邑家叔惠，迪幹，幼惠，麗生，鳳蓮，名『順德何氏六人書畫展覽』於香港大會堂展覽館展出。順德縣大良鎮，梁鍊琚圖書館開幕，舉行港澳順德邑人書畫展覽，參加展出。香港中國美術會會員年展，參加展出。是年長兄恩榮病逝九龍寶血醫院，享壽七十三歲。

六十五歲

公元一九八五年，歲乙丑春，參與邑會旅遊澳洲，觀順德健兒代表中國參加雪梨國際龍舟競賽掄元。秋，香海千歲宴三十周年，參加雅集。歸遊客山雨花寺，尋家先賢有明高士不偕先生墓於荒煙蔓草之間。與此同時，聞邑中有修志之議，乃作重修縣志芻蕘一篇。冬與順德商會同人，漫遊羅浮，惠州西湖諸勝。是年復參與發起重脩邑中名勝神步塔之議。

六十六歲

公元一九八六年，歲丙寅春，番禺沙灣何氏大宗祠留耕堂重脩落成開幕，香港何氏宗親總會

組團赴賀，一行七十眾，任團長。並以孝思堂第二十二傳孫名義撰書刻木一聯文曰；世澤衍廬江，福地心田開五嶺，家聲承水部，詩風文采接千春。以此奉賀。應南韓東方文化研究院之邀，嶺南十人書畫展於漢城世宗文化會館，同劉少孫，黃文達，辛鵬九，顏小梅，何麗生，盧清遠，林湖奎，龍展雲，羅志強。十月六日，出席香港聯合交易所開幕禮，世界証券商雲集。暮秋偕內第九次旅遊美國加拿大。冬偕內挈長男家齊媳梁柏年長孫文禮孫女文珊歸里，盤桓於先人當年耕讀之地，使知木本水源，其來有自。

六十七歲

公元一九八七年，歲丁卯。生慈黎太夫人年九十六。二月九日長男家齊偕其家人遷居加拿大國。三月二十六日，中國政府代表與葡萄牙政府代表在北京聯合簽署關於澳門前途之協議。主理順德聯誼總會四十周年會慶邑彥暨屬校師生書畫展覽於香港大會堂。復為順德聯誼總會屬校第六屆慶祝孔子降生二千五百三十八年誕辰主講孔子學說於香港大會堂酒樓并編孔子先師生平事畧。是年出任學海書樓董事及廣東文徵續編編印委員會委員。

六十八歲

公元一九八八年，歲戊辰。生慈黎太夫人年九十七。應司徒奇畫師任蒼城畫會名譽顧問。任順德聯誼總會順德商會星馬訪問團總團長，一行二十四人，專程赴賀檳城順德會館創立一百五十周年會慶，順道拜訪星馬各埠順德會館。與內人及長孫文禮偕行。

六十九歲

公元一九八九年，歲己巳。生慈黎太夫人年九十八。於四月三日傍晚，偶感不適，即急送明愛醫院留醫，五日轉留醫聖德肋撒醫院調理，至同月十一日出院回家。至六月三十傍晚又感不適，即送伊利沙伯醫院急救無效，便安祥示寂，時維夏曆五月二十七日酉時。遺蛻奉移

九龍世界殯儀館依佛教儀式治喪，越九日出殯，送沙田富山火化場火化，靈灰送大嶼山天壇大佛蓮龕奉安，與佛永遠同在。初冬參與寶蓮禪寺在香港大會堂舉行海會雲來書畫展覽。

七十歲

公元一九九零年，歲庚午。公元一月一日，故里太平塔青雲塔重修工峻及孔子像揭幕禮，隨團回大良參與其盛。贊助出版學海書樓前期講學錄一千冊。輯錄順德歷代邑人尊孔文選出版二千冊。寄贈本港，祖國家鄉，世界各地學術機構與親友。

七十一歲

公元一九九一年，歲辛未。仲秋吉日，先慈黎太夫人百齡明壽，假座鹿野苑設壇追慶，延僧誦經作法，集家族齋供在天之靈。春初吉日，兒，媳，女，婿，孫輩，同會香江，為余薄具杯酒，一敘親戚朋舊。蒲節前三日與香港聯合交易所同人觀光印尼，暢遊千島之國。是年輯錄印行錦山文社二十屆春禊暨歷屆藝文一巨冊。歲冬，出任香港孔教學院董事。

七十二歲

公元一九九二年，歲壬申。蒲節日全球漢詩詩友聯盟第三屆大會在本港舉行，出任大會榮譽會長。為慶祝順德建市贊助重建大成殿一座於故里青雲公園內。仲冬之日，偕內人作第十二次美加之行，飽覽萬里雪飄景色。

七十三歲

公元一九九三年，歲癸酉。主編學海書樓七十周年紀念文集。立冬日偕順德聯誼總會一行三十人作第五次訪問馬來西亞僑與祝賀沙巴順德會館六大慶典，再次出任團長。冬至前三日為故里大成殿落成開幕，喜遂平生之願。冬至後三日，兒女子孫齊自海外歸為余與內人結婚五十周年及內人古稀初度，舉行家慶，薄具杯酒，及一敘親戚朋舊。

七十四歲

公元一九九四年，歲甲戌，出任學海書樓主席，春初與同邑同宗叔惠幼惠昆仲，迪幹，麗生，鳳蓮，假座香港中區大會堂舉行第二屆何氏六人書畫展覽。秋初與內作十三次旅遊美加探視兒孫，冬初偕內與何氏宗親聯合盆栽會同人一行五十眾前往參觀中山小欖第四屆菊花大會

七十五歲

公元一九九五年，歲乙亥。為紀念先君照林公棄養六十周年，專印孝經淺釋三千冊以垂子孫及送贈各地文教機構及親友。是年為順德建市三周年，獲贈榮譽市民稱號。同時出任香港孔教學院副院長。香港中國美術會主席。健社詩詞雅集名譽社長。十二月九日代表香港孔教學院出席六宗教(儒，釋，道，回，基督，天主，)假座城市大學舉辦宗教思想交談會演講。

七十六歲

公元一九九六年，歲丙子。仲夏與何氏宗親一行三十三人應南雄珠璣巷後喬何氏宗親會之相邀，聯袂前往訪問，並順道參觀鄰近各地名勝，一登庾嶺梅關，一拜南宗六祖。重陽節前二日偕內作第十四次旅遊美加探望兩地兒孫及雅會諸親朋文友，乘興而回，次日即出席何氏宗親總會主辦之世界何氏第三屆懇親大會，到有祖國各地，台灣，美洲，東南亞各地，菲律賓賓等各路宗親共四百餘人，一時冠蓋雲集。

七十七歲

公元一九九七年，歲丁丑。西區海底隧道於四月三十日通車，按第一(紅磡)海隧於一九七二年八月通車，第二(東區)海隧於一九八九年九月通車。七月一日凌晨零時出席香港特別行政區政府成立暨首長等宣誓就職典禮。孔聖誕辰前二日出席孔教學院與香港中文大學新亞書院聯合主辦之孔子思想與二十一世紀國際學術研討會在香港中文大學演講室主講聖之時為

題。孔聖誕辰次日，與來自中外世界各地參加研討會者一百七十餘人同赴三水市，出席由香港孔教學院長湯恩佳所倡建之森林公園孔聖園大成殿落成開幕典禮。順德詩徵經三年之輯錄，乃告面世，印行一千冊。計收集明代一百二十一人，詩四百八十九首。清代二百五十三人，詩九百五十五首。近代（皆去世者）一百一十三人，詩一千三百四十六首。合計四百八十七人，詩二千七百九十首。輯成六百四十頁，凡四十餘萬字。主辦香港順德聯誼總會祝金禧慶回歸舉行世界邑人書畫家暨屬校師生作品展覽於香港中區大會堂。

七十八歲

公元一九九八年，歲戊寅。為先君焯巖公百二十歲生朝。夏偕內與邑會同人北遊大連旅順。七月一日出席香港特別行政區成立一周年紀念匯演慶祝大會。四日出席香港國際機場宗教祈禱室開幕禮。八日出席北京大學慶祝成立百周年紀念蒞港舉行酒會。七月十四與孔教學院同人參加西藏孔子醫院開幕禮。十月十一日回鄉參加寶林寺重建開光。是年主編香港中國美術會四十周年紀念書畫集。十二月二十二回鄉出席黃節學術研討會。

七十九歲

公元一九九九年，歲己卯，先慈黎太夫人逝世十周年。夏端陽節後以前列腺腫脹延醫送養和醫院割治，經旬平安回家，乃於孟秋朔日偕內會美加兩地兒媳婿女孫男女共十八人乘郵輪暢遊加勒比海以作第十五次順道美加之行。又於季秋之望，與何氏宗親總會一百五十餘人，前赴南雄，出席珠璣巷何氏大宗祠落成開幕禮。公元十二月二十日，澳門主權回歸祖國。

八十歲

公元二千年，歲庚辰，為龍年，為余有生以來第七次喜會龍年，亦余在三月一日起離開此商業社會并除去順德聯誼總會所屬各學校之校董職位之年，從此得將有餘時間，讀書寫字。乃

不自量力，於三月二十六日與齊兒相將回鄉，參加在大良舉行爲籌建順德大學萬人行募捐活動，認獻港幣壹百萬圓，以盡棉力。

八十一歲

公元二零零一年，歲次辛巳，爲辛亥革命九十周年之期，爲中國社會制度一大改變之期。乃寫小詩一首以紀之。是年冬月海外眾兒女媳婿孫輩齊齊回港，爲余兩老，畧治杯盤，藉此小敘親屬各人。並於十二月二十八日至三十日在中區大會堂高座八樓展覽館舉行個人一畫十詩百聯千字文萬言論語展覽及出版本刊二千冊，以略表平生因緣與願望。是歲經由香港文化藝術基金會主席梁沛錦教授之推介與經辦以先君照林公名義捐港幣壹拾萬圓，用以配合其他善信捐助以中國健康工程名義，於粵北乳源縣建造醫院一座，造福當地貧病。落成之日，可望命名爲何照林醫院。又由鄉宗兄幼惠之推介，亦以先君照林公名義應元朗朝陽會代辦希望工程，捐款港幣壹萬圓，用以配合其他善信合捐港幣三萬圓，重建廣西省天等縣馱堪鄉文秀村布靈小學一座，落成之日，可望正名爲何照林學校。又承香港大學中文系榮譽教授何沛雄鄉彥之推介，捐助該大學港幣伍萬圓，命名爲何竹平中國文學獎學基金，用以每年頒發獎學金一名。

節廬詩文全集跋

竹平宗長，別署節廬，順德市榮譽市民，亦賈亦儒，香江文壇斲輪老手也。工詩文，擅書法，熱心文教，關懷桑梓，人多稱之。年前編纂《順德歷代邑人尊孔文選》。《順德藝文集》。《孝經淺釋》。《順德詩徵》等書，邀人俊賞，受世珍藏。今者，復發其囊笥，輯其歷年佳作，合為一通，名之曰《節廬詩文全集》，得及先睹，豈不快哉，豈不快哉。古人云：『詩人少達而多窮。』又曰：『文，窮而後工。』，顧竹平宗長之功成名遂，蘭薰桂馥，素抱當仁之志，夙懷端木之風，籌算有餘，熱愛國家，歷任香港各界慶祝回歸委員會委員，順德二樵書畫院名譽院長，香港順德聯誼總會會長，世界順德聯誼總會名譽會長，香港何氏宗親總會永遠會長，學海書樓董事會主席，香港中國美術會主席，暨多家中小學校之校監校董或顧問及中外各地文藝機構之名譽顧問。為人謙恭敦厚，樂善好施，造福社群等等。觀其詩文，曉鬯雅致，不事雕琢而自工，可謂『達』而能『工』，有逾於尋常者矣。夫因物興感，觸景生情，古今同焉。宗長之作，微吟風弄月之篇，多述聖垂訓，抒懷之章，蓋有益於世道人心者，又其贈序雅集，酬唱之文，亦無異乎香江文壇活動之脞錄也。文章者，經國之大業，不朽之盛事也。宗長私務公職繁多，三餘之暇，不流於逸樂，而注心於文藝，恢恢然自有出乎其類者，固可立千載之業矣，叨屬宗末，謹綴數言，願鄉邦賢達，進而廣之。

公元二零零一年歲次辛巳詩人節何沛雄識於香港大學

出版日期：公元二零零一年冬月吉日，二千冊非賣品

承印商：式慧印刷有限公司 地址：九龍新蒲崗四美街23號利森工業大廈十字樓B座

電話 23212879
傳真 23521204



竹石图